

UPU TOMUA:

I le suafa mamalu o le Ao o le Ekalesia, o Iesu Keriso lea, e avea ai lo'u leo fa'atauva'a e fai ma sui o le Komiti o le 'Au-Taumafai, e momoli atu ai le fa'afetai ma le fa'amalo e tusa ai o le ma'au paia o le Ekalesia e ala i lana faiga-Taulaga o le 'Au-Taumafai. E talitonu ma le loto mauualalo, ana le seanoa lo outou lagolago mai semanu e lē mafai ona 'au'au fuafuaga a le Komiti e tusa o le faatupeina o ana Galuega faatino.

E momoli atu fo'i le fa'afetai tele i le feagai ai o le Ekalesia ma a tatou Sauniga fa'a-le-'Au-Taumafai o lo o feagai ai i lea Aso Sa, ma lea Aso Sa. Fa'amalo molimau. E lē mafai fo'i ona fa'agaloina le fa'afetai i le Komiti o le 'Au-Taumafai mai le nofo a Matagaluega fa'apea le mamalu o le Laulau a le 'Au-Taumafai. I le Afioga i le Sui Peresetene, le Failautusi fa'apea le Teutupe mo le galueaina. Ia fa'amanuia le Atua ma foa'i pea lona tumu fa'a-le-agaga auā fe'au o lo o outou malu tapuaaoina.

O la'u fa'afetai fa'apitoa i Susuga i Faifeau na saunia, ma tapenaina Tusi o sauniga o le 'Au-Taumafai mo lenei tausaga 2021. Le Susuga i le Faifeau ia Tuanai Uesile o le Aulotu i Magiagi, i le Pulega a Apia Sasa'e, o le Matagaluega a Apia. E fa'apea fo'i le Faifeau ia Peni Meaalofa o le Aulotu i Faleapuna, i le Pulega a Anoama'a, o le Matagaluega a Apia Sasa'e. Fa'amalo tapena i le 'oa fa'a-le-Agaga, lea ua sasa'a mai le mau o le fa'atamasoaliiga a le Tautai o Agaga. Ia talosia ia, ia maua se mau e tele i le liu folau o le Sa fa'a-le-agaga o le Ekalesia i lenei tausaga 2021.

Ia manuia tele fe'au fa'a-le-'Au-Taumafai a feagai ai ma le Ekaesia i lenei Tausaga 2021.

Alofa'aga na Fa'amanuiaga mai ia
Taipo Malifa FT

(Peresetene Komiti 'Au Taumafai

ASO SA

03 IANUARI 2021

FAAFOUINA

MANATU AUTU: O LE ATUA LE PUNA O LE OLA FOU.
(God is the source of New Life)

Tusi Faitau : Kenese 45: 1 - 7

Matua: Kenese 45: 7

“Na auina mai foi a’u e le Atua e muamua ia te outou e faasaoina outou i le lalolagi, e faaola foi ia te outou i le faaolataga tele.”

Vaega :

1. O le Atua o le Tupuga ma le Mataisau o mea uma.
2. E leai se taumasina ma le Finagalo o le Atua.
3. O le Finagalo o le Atua, Ia faia mea uma ia fou.
4. Ia fai oe ma Iosefa faaopoopo Ola fou.

ASO SA

10 IANUARI 2021

MANATU AUTU: SAVAVALI MA LE ALII, E MANUIA AI O TATOU ALA UMA.

(All our ways are blessed when we walk with God)

Tusi Faitau: Kolose 1: 9 - 14

Matua: Kolose 1: 10

“...ia outou savavali e tusa ma le Alii, ina ia fiafia mai o ia ia te outou i mea uma, ma ia outou fua mai galuega lelei uma lava, ma ia tupu pea lo outou iloa lelei o le Atua.”

Vaega :

1. Amata le Malaga i le savavali faatasi ma le Alii, e manuia ai ala uma o lenei tausaga.
2. E le vaivai pe faalogologo tiga se tagata savali e finau ma saili malo.
3. E a’e fua le faiva, o e lē savavali ma le Alii, ona ua atua i le ‘oa ma tupua.
4. O le mamao ese o le savali ma le Alii, o le agai atu foi lea i mala ma puapuaga.

ASO SA

17 IANUARI 2021

MANATU AUTU: **AUA LE MANATU MĀMĀ I LEMALAGA.**
(Don't underestimate the journey)

Tusi Faitau : Mataio 14: 22 – 27

Matua : Mataio 14: 24

“A o le va’a ua i totonu o le vasa ua felafoa’iina i le sou, aua ua agi mai i luma le matagi.”

Vaega :

1. Tāpena, e le iloa taga fai i vasa.
2. Na o Iesu le Kapeteni sili e manuia ai.
3. Aua le popole i peau laga vale, ae faatuatua i le Alii.
4. O le manatu māmā, e fetaiia’i ai ma faigata.

ASO SA

24 IANUARI 2021

MANATU AUTU: **IA AVEA MA KERISIANO LOTO TELE.**
(Be a Courageous Christian)

Tusi Faitau: 2 Timoteo 2: 1 - 7

Matua: 2 Timoteo 2: 3

“O lenei, ia e onosa’i i mea e tiga ai, faapei o se tagata tau e lelei a Keriso Iesu.”

Vaega :

1. O le Kerisiano loto tele ma faatuatua e faapaleina.
2. O le Kerisiano fefe vale ma pala’ai o lona taunuuga o le faalumaina.
3. O le Kerisiano lototele e naunau e fesoasoani i so o se tasi.
4. O le Kerisiano moni e le ma e faailoa atu le Alii.

ASO SA

31 IANUARI 2021

ASO SA O

TUPULAGA

MANATU AUTU: IA TOE FAAMUMŪ MEAALOFA A LE ATUA.
(Rekindle the gifts of God)

Tusi Faitau: 2 Timoteo 1: 1 - 7

Matua: 2 Timoteo 1: 6

“O le mea lea ou te faamanatu atu ai ia te oe, ia toe faamumū le meaalofo mai le Atua, o lo o ia te oe lea i le faae’e atu o o’u lima.

Vaega :

1. O meaalofo a le Atua, o faamanuiaga ua foaifuaina mai.
2. O le ola lē magafagafa, e toe faoa ai meaalofo a le Atua.
3. Ia faaaoga tatau meaalofo a le Atua e saili ai agaga mo Ia.
4. Ia faasusulu atu meaalofo a le Atua i lou olaga.

ASO SA

07 FEPUARI 2021

FAAFOUINA

MANATU AUTU: AUA LE OLA FAASAMASAMANO.
(Do not live life irresponsibly)

Tusi Faitau : Ieremia 29: 1 – 7

Matua : Ieremia 29: 7

“Ia outou sailiili foi ia manuia le aai ua ou faatafea ai outou; ma ia outou tatalo atu i le Alii mo lena aai; aua o lona manuia e manuia ai outou.”

Vaega :

1. O le ola faasamasamanoa, e selesele le mativa ma le fālōlō.
2. O le ola faasamasamanoa, e toe potō ane ai ua tuai.
3. O lē lūlū ma loimata e selesele ma le alaga fiafia.
4. Ia mataala ma silasila mamao mo lou lumanai manuia.

ASO SA

14 FEPUARI 2021

MANATU AUTU: E LEAI SO TATOU ALOFAGA I LE ATUA.
*(We cannot **hide** from God)*

Tusi Faitau: Eperu 4: 11 – 13

Matua: Eperu 4: 13

“E lē lilo foi se tasi mea na faia i ona luma, a ua taatia fua ma ua aliali mai o mea uma lava i lana silafaga, tatou te ta’u atu ia te ia a tatou amio.”

Vaega :

1. E leai se mea e lilo i le silafaga pa’ia a le Atua.
2. E le faamasinoina e se tasi le amiotonu ma le pule a le Atua.
3. E sola lava le amio leaga ae tuliloaina.
4. O le Atua faaola, e ui ina leaga pea le tagata.

ASO SA

21 FEPUARI 2021

MANATU AUTU: AUA LE FAAFITIA LE ATUA ONA O TIGA.
(Do not let pain make us deny God)

Tusi Faitau: 2 Korinito 12: 7 - 10

Matua: 2 Korinito 12: 9

‘Ona faapea mai ai lea o ia ia te au, “O lo’u nei alofa tunoa e lava lea e fesoasoani ia te oe; aua o le vaivai e faaatoaina ai lo’u mana.” O lea ua tele ai lava lo’u fiafia i le mitamita i mea ua ou vaivai ai, ina ia tumau i o’u luga le mana o Keriso.’

Vaega :

1. O lo o tatou i le lalolagi o puapuaga ma tiga.
2. A tutupu faigata ma faafitauli o le ola, aua le faameo.
3. O tua atu o tiga, e faaatoaina ai le mana o le Atua.
4. E tofotofoina pea lo tatou faatuatua.

ASO SA

28 FEPUARI 2021

MANATU AUTU: O LOO SAILI PEA LE ATUA MO OE.
(God is still seeking for you)

Tusi Faitau : Luka 19: 1 - 10

Matua : Luka 19: 10

“Aua ua sau le Atalii o le tagata e saili ma faaola i le na le iloa.”

Vaega :

1. E tāua le tagata i le Atua.
2. E mana’omia e le Atua lou tagata atoa.
3. E lē finagalo le Atua e fano se tasi.
4. Salamō ma foi i le Atua.

ASO SA

07 MATI 2021

FAAFOUINA

MANATU AUTU: AISEA E TUTUPU AI PUAPUAGA I TAGATA LELEI?
(Why do bad things happen to good people?)

Tusi Faitau: Ioane 9: 1 - 12

Matua: Ioane 9: 3

‘Ua tali atu Iesu, “E lei agasala lenei tagata, po o ona mātua; a e peitai ina ia faaalua ai o galuega a le Atua ia te ia.”

Vaega :

1. O puapuaga e manino ai le vaai i le faamoemoe o le Atua.
2. O puapuaga e tofotofoina ai lo tatou faatuatua.
3. O puapuaga e a’oa’ina ai le tagata i filifiliga tataua.
4. O puapuaga e atili mautinoa ai le faamaoni o le Alofa o le Atua.

ASO SA

14 MATI 2021

MANATU AUTU: E ILOA LE LA'AU I ONA FUA.

(A tree is known by its fruits)

Tusi Faitau : Luka 6: 43 - 49

Matua : Luka 6: 43

“E leai foi se la’au lelei e fua mai i fua leaga; e leai foi se la’au leaga e fua mai i fua lelei.”

Vaega :

1. Aisea ua eseese ai fua o la’au o le foafoaga a le Atua?
2. Afai e le mafai ona fua lelei se la’au leaga, ‘ae ā le tagata?
3. E tamalii lava le tufanua ae iloa i ona fua.
4. O a fua e iloa ai le soo moni o Keriso.

ASO SA

21 MATI 2021

MANATU AUTU: E FAAAOGA E LE ATUA MEA FAATAUVAA MO MEA SILI.

(God uses the weak to do great things)

Tusi Faitau: Ioane 1: 43 - 51

Matua: Ioane 1: 46

Ua fai mai Natanielu ia te ia, “E mafai ea ona tupu mai o se mea lelei mai Nasareta? Ua fai atu Filipu ia te ia, Ina sau ia ina matamata.”

Vaega :

1. O ala o le Atua, e faaaogaina mea faatauva e saunia ai mea sili.
2. O manatu o le tagata, e le o le Finagalo lea o le Atua.
3. Aua le manatu faatauva i mea na faia e le Atua.
4. O lalo lava e maua ai mālō.

ASO SA

28 MATI 2021

MANATU AUTU: IA USITA’I I LE ATUA AE LĒ O TUPUA.
(Honor God but not idols)

Tusi Faitau : Teuteronome 13: 1 - 5

Matua : Teuteronome 13: 2 & 3

“...a taunuu foi lea faailoga po o lea vavega, na ia fai atu ai ia te oe, o loo faapea, Ina tatou mulimuli atu ia i atua ese, o e na outou le iloa, ma ia outou auauna i ai; aua ne’i e faalogo i upu a lea perofeta, po o lena faimiti; aua e tofotofoina ai outou e le Alii lo outou Atua...”

Vaega :

1. E toasa le Atua i e usita’i ma faalogo i perofeta pepelo ma e faimiti.
2. A fia ola manuia ma fiafia, usita’i ma alofa i le Atua.
3. Ia silasila toto’a ma ia filifili ma le potu.
4. O a au tupua lena e nanā?

ASO SA

04 APERILA 2021

FAAFOUINA

MANATU AUTU: O LAU FILIFILIGA E TE MANUIA MA MALAIA AI.
(Your choice determines your future)

Tusi Faitau : 1 Ioane 2: 15 - 17

Matua : 1 Ioane 2: 15

“Aua tou te mananao i le lalolagi, po o mea o iai i le lalolagi. Pe afai e mana’o se tasi i le lalolagi, e le o ia te le alofa i le Tamā.”

Vaega :

1. Filifili faatasi ma le Atua, e aumai ai le faasinoga tonu.
2. Aua ne’i faaseseina lau filifiliga e le ‘oa ma le tamaoaiga.
3. A vale tuulima manuia o nei, e fālōlō taeao.
4. E leai se mea e faigata i le Atua.

ASO SA

11 APERILA 2021

ASO SA O LE LAUPAMA

MANATU AUTU: O LE A LE FE'AU TAU A O LE AFIO MAI O LE TUPU?

(What is the important message for the coming of the King)

Tusi Faitau: Mataio 21: 1 - 11

Matua: Mataio 21: 9

‘O le motu o tagata ua muamua, ma e ua mulimuli, ua alalaga i latou, ua faapea mai, “Osana i le Alo o Tavita; ia manuia le afio mai i le suafa o le Alii. Osana i mea e aupito i luga.”

Vaega :

1. Aua le alaga faafoliga e faailoa le tupu.
2. O ala o le tupu e agamalu ma loto maulalo.
3. Tapena lou loto e afio ai le tupu.
4. E le’i afio mai e faasala, a ia faaola.

ASO SA

18 APERILA 2021

ASO SA O LE TOETU

MANATU AUTU: ANA LEAI SE TOE TU, O I TATOU O MOLIMAU PEPELO.

(If Christ has not been raised, we are found to be misrepresenting God)

Tusi Faitau: Luka 24: 1 - 12

Matua: Luka 24: 5 - 6

‘Ua matatau i latou, ua punou foi o latou mata i le eleele, ona la fai mai lea ia te i latou, “Se a le mea tou te saili ai le ua soifua i e ua oti? E le o iinei o ia, a ua tu; ia outou manatu i lona fetalai atu ia te outou ina o i Kalilaia o ia..”

Vaega :

1. O le Toetu, o le atoaga o le Faaolataga.
2. Ia taofi i’umaea pea i le Toetu o Iesu Keriso.
3. Ia olioli ma faafetaia le Alofa Tunoa o le Atua.
4. Po o Toetu pea ea Iesu i le galuega molimau a le Ekalesia?

ASO SA

25 APERILA 2021

MANATU AUTU : LU'ITAU O LE FAATUATUAGA E MANUIA AI
(The challenges of the blessed hope)

Tusi Faitau: Tito 2: 11 - 14

Matua: Tito 2: 11 – 13

“Aua o le alofa tunoa o le Atua ua au mai ai le faaolataga, ua faaalua mai lea i tagata uma lava, o lo o a’oa’o mai ai ia te i tatou, ia tatou tete’a ese ma le faale mata’u atoa ma tu’inanau faalelalolagi, ia tatou nonofo ma le faautauta ma le amiotonu atoa ma le amio Atua i lenei olaga; o faatalitali atu i le faatuatua e manuia ai, o le faaalua lea o le mamalu o le Atua silisili, o lo tatou Faaola o Iesu Keriso lea.”

Vaega :

1. Ia fulitua i tuinanauga o le olaga.
2. Aua le popole i ē faifai mai.
3. Faatalitali ma le loto atoa i le Alii.
4. Ia faautauta ma ia mataala.

ASO SA

02 ME 2021

FAAFOUINA

MANATU AUTU: O LE FEFAAUOA’I MA LE LALOLAGI, O LE ITA LAVA LEA I LE ATUA.
(Friendship with the world is enmity with God)

Tusi Faitau: Iakopo 4: 1 - 10

Matua: Iakopo 4: 4

“O outou tagata mulilulua e, tou te le iloa ea o le fefaauoai ma le lalolagi o le ita lava lea i le Atua? O lenei, o sē fia uo ma le lalolagi, ua avea o ia ma ita i le Atua.”

Vaega :

1. Aisea e tupu ai pea le tuinanauga i mea o le lalolagi agasala?
2. O le ola ua pulea e manaoga o le lalolagi, e ola fua ua oti.
3. O le faauo ma le Atua, ua filifili i le ola.
4. E tuu avanoa pea le Atua, ae vaai nei tuai.

ASO SA

09 ME 2021

ASO SA O TINĀ

MANATU AUTU: IA SAUNIA MO FAAMOEMOEGA LELEI.

(Be prepared for great purposes)

Tusi Faitau : Eseta 4: 4 - 17

Matua : Eseta 4: 14

“Aua afai e te matuā faalologo i nei ona po, e tupu mai le tuusaunoaina ma le laveaiina o sa Iutā mai se tasi mea; a o oe, ma le aiga o lou tamā e fano outou; e iloa foi e ai po ua fai oe ma masiofo ona o se aso faapenei?”

Vaega :

1. O faamoemoega lelei, e mafaia i le faatuatua ma le loto lelei.
2. Ia saunia e tali atu i le Atua ua valaau mai, Aua le faatamala.
3. Aua le manatu māmā i ou tiute ma ou faiva alofilima.
4. Ia fai oe ma laveai ma faaola i lou aiga ma le ekalesia.

ASO SA

16 ME 2021

FONOTELE

MANATU AUTU: O TĪGĀ O ANANAFI E MANUIA AI LE LUMANA’I.

(Pains of the past elicit blessings for the future)

Tusi Faitau: Faaaliga 3: 7 - 11

Matua : Faaaliga 3: 8

“Ua ou iloa au galuega. Faauta, ua ou tuuina atu i ou luma le faitotoa ua avanoa, e leai foi se na te mafaia ona punitia; ua ou iloa ua itiiti lou malosi, a ua e tausia la’u upu, ma ua e le faafitia lo’u igoa.”

Vaega :

1. O le onosai i faafitauli ma faigata o le ola tautua, o faatali mai ai le olioli i manuia.
2. E le se mea faale aoga le tautiga ma le tautua malo mo le Atua ma ana fe’au.
3. O le tautua tuāupua, fe’alo’alofa’i ma faalogologo tiga, e selesele le oi ma le mativa.
4. E a’oa’o mai le tuana’i e fatua’i ai le lumana’i.

ASO SA

23 ME 2021

**MANATU AUTU: IA FAIA MEA UMA MA LE LOTO I LE ATUA,
AE LE O TAGATA.**

(We shall do all things to honor God, not human)

Tusi Faitau: Kolose 3: 12 – 25

Matua: Kolose 3: 23

“O mea uma lava tou te faia, ia faia ma le loto, peiseai ua faia i le Alii; a e le o tagata.”

Vaega :

1. O le tautua e faia ma le loto malie, o le taulaga manogi i fofoga o le Atua.
2. E faamanuia le Atua i le galuega e faia i le loto fuatia ifo lelei.
3. E leai se mea e lilo i fofoga o le Atua o lau ma la’u o fai nei.
4. O le ala i le pule o le tautua ma le loto.

ASO SA

30 ME 2021

**MANATU AUTU: FAATUATUA ONA ILOA LEA O LE AGALELEI
O LE ATUA.**

(Having faith makes us see the goodness of God)

Tusi Faitau: Salamo 27: 7 - 14

Matua: Salamo 27: 13

“Ana ou le faatuatua, ou te lē iloa le agalelei o le Alii i le nuu o tagata ola, po ua ou faavaivai lava.”

Vaega :

1. Po o le a ea le uiga moni o le faatuatua?
2. Na o le faatuatua, tatou te mautinoa ai le agalelei o le Atua.
3. E lē te’i ma popole vale le tagata faatuatua, tusa lava po o a faigata.
4. O le faatuatua na o folafolaga ae leai ni galuega, o le faatuatua mate.

MANATU AUTU: SAVALIGA I LE VANU O PEKA.
(Go through the Valley of Weeping)

Tusi Faitau : Salamo 84: 5 - 7

Matua : Salamo 84: 6

“Ua ui ane i latou i le vanu o Peka, ua faia lea e i latou ma vaipuna; ua ufitia ai i le manuia ona o le uaga muamua.”

Vaega :

1. O ē savavali ma le Atua, e le popole pe vaivai i fita o le olaga.
2. E lē faigata i le Atua ona liliuina le toafa e avea ma vaipuna ma fanua lafulemu.
3. E tutupu pea puapuaga i le savaliga, ae le tuulafoaina e le Atua ona tagata.
4. Ia ola i mea faigata, e leai se mea e maua ma se filemu.

ASO SA

13 IUNI 2021

MANATU AUTU: AVE MEA A LE ATUA I LE ATUA.
(Give to God what is Gods’)

Tusi Faitau: Malaki 3: 6 - 12

Matua: Malaki 3: 10

“Ina aumaia mea e sefulu a’i a outou mea uma lava i le fale e tuu ai mea; ina ia iai mea e ‘ai i lo’u fale; ma ia outou tofotofo mai ai ia te a’u i lenei mea, ua fetalai mai ai le Alii o ‘au; pe ou te le toina pupuni o le lagi mo outou, ma sasa’a atu le manuia mo outou, ina se’ia silisili ona tele.”

Vaega :

1. E iai le vaega a le Atua i o tatou tamaoiga uma e maua.
2. Aua ne’i toina i le i’u le inati o le Atua.
3. O le ola papano, e lē inu ai i manuia, a o malaia.
4. Ia le na o le sefulu a’i, a o le mea sili mo le Atua.

ASO SA

20 IUNI 2021

MANATU AUTU: ‘AUA LE FEAIĀĀ’I I TIUTE MA VALA’AUINA.

(Do not exceed your limits)

Tusi Faitau: 1 Samuelu 13: 5 - 14

Matua: 1 Samuelu 13: 11, 12

“Ua fai mai Samuelu, Se a lau mea ua fai na? Ua tali atu Saulo, Na ou vaai, ua taape le nuu sa ia te au, ma oe foi ua e le sau i aso na atofaina mai, ma ua faapotopoto Filisitia i Makamase, o le mea lea na ou faapea ai, Anei e faaifo mai Filisitia ia te a’u i Kilikala, a ua ou le faatoga atu i le Alii; Ona ou faamalosi lea, ma ou faia le taulaga mu.”

Vaega :

1. E taua le malamalama i tiute ma matafaioi o le vala’auina.
2. O le popole ma le pala’ai e faaosoosoina ai i faaiuga sese.
3. O le auauna faatuatua, e fesili ma faalogo i le Atua.
4. E faoa le mamalu ma manuia, pe’a faamoemoe i le potu ma le malosi.

ASO SA

27 IUNI 2021

MANATU AUTU: E FAATUPU E LE ATUA LE MALOSI I Ē UA LEAI SE FAAMOEMOE.

(God gives power and strengthens the powerless)

Tusi Faitau: Isaia 40: 25 - 31

Matua: Isaia 40: 28 – 29

“O le Atua o le vavau, o le Alii o le na faia tuluiga o le lalolagi, e le vaivai o ia, e le tigaina foi, e le masuesueina lona mafaufau. Na te avatua le malosi i e ua vaivai; a o e ua leai se malosi, na te faatuputele iai le malosi.”

Vaega :

1. E silafia e le Atua o tatou lagona ma manatu.
2. E mafaia mea uma i le Atua.
3. E le atuatuva se kerisiano faatuatua.
4. Aua le masalosalo i le Alofa faamaoni o le Atua.

ASO SA

4 IULAI 2021

FAAFOUINA

MANATU AUTU: LELEI MA LE ATUA.

(Peace with God.)

Tusi Faitau: Roma 5:1-11

Matua: Roma 5:1

“O lenei, ua ta’uamionuina i tatou i le faatuatua, o lea ua tatou lelei ai ma le Atua, ona o lo tatou Alii o Iesu Keriso.”

Vaega:

1. Lelei ma le Atua ona o Iesu Keriso.
2. Tauamionuina i le faatuatua ona o Iesu Keriso.
3. Ia tumau pea ona lelei ma le Atua e oo i le faavavau.
4. Faatuatua ia Iesu, o le lelei lava lea ma le Atua.

ASO SA

11 IULAI 2021

MANATU AUTU: SALAMŌ MA TALITONU

(Repent and Believe.)

Tusi Faitau: Mareko 1:9-15

Matua: Mareko 1:15

“Ua o’o mai ona po, ua latalata mai le malo o le Atua; ina salamo ia ma faatuatua i le tala lelei.”

Vaega:

1. Liliu ese mai le leaga.
2. Salamo nei loa ma talitonu ia Iesu.
3. Salamo ma talitonu e ola ai.
4. Salamo nei loa ua latalata mai le Malo o le Atua.

ASO SA

18 IULAI 2021

MANATU AUTU: O LO TATOU ATUA NA TE AMANA’IAINA I TATOU.

(Our God who cares for us.)

Tusi Faitau: Isaia 46:3-13.

Matua: Isaia 46:4.

“E o’o ina e toeaina, o au lava o ia, e o’o foi ina ulusinā, o au lava ou te tauave ia te oe; o au na ou faia, ou te siitia foi, ou te tauave ma laveaiina oe.”

Vaega:

1. Ua amanaia i tatou e le Atua i le ola ma le malosi i aso uma.
2. Na amanaia i tatou e le Atua, e ala ia Iesu Keriso.
3. Pe le amanaia i tatou e tagata, e amanaia lava i tatou e le Atua.
4. Tumau pea i le mafutaga ma le Atua.

ASO SA

25 IULAI 2021

MANATU AUTU: E TOILALO LE FILI INA UA TATOU TUTŪ I LE FAATUATUA.

(The enemy is defeating when we stand by faith)

Tusi Faitau: Neemia 6:15-19

Matua: Neemia 6:16

“Ua faalogo i latou uma e na ita mai ia te i matou, ma ua iloa e nuu uma na vagavagai ia te i matou, ona matua faavaivai lea o i latou; aua ua latou iloa o lo tatou Atua na fai ai lana galuega.”

Vaega:

1. Finau mo le mea sili.
2. Alofa i le Atua ma lana galuega.
3. O le fili ā ia e le moe, ae aua nei mate ai le faatuatua i le Atua.
4. O le Atua manumalo e tatou te manumalo ai.

ASO SA

01 AOKUSO 2021

FAAFOUINA

MANATU AUTU: AUA LE TAU MAMAO MA LE ATUA.

(Do not go far from God.)

Tusi Faitau:

Salamo 22:1-11

Matua:

Salamo 22:11

“Aua ne’i e taumamao ia te au, auā ua latalata mai le puapuaga; auā e leai sē fesoasoani mai.”

Vaega:

1. Tumau pea i le mafutaga vavalalata ma le Atua.
2. Saili i le Atua e manuia ai.
3. A aunoa ma le Atua ua fano i tatou.
4. A au ma le Atua, o ai se faasaga tau mai?

ASO SA

08 AOKUSO 2021

ASO SA O TAMĀ

MANATU AUTU: O LE TOFĀ FA’A-TAMĀ LELEI.

(Singleness of heart as a good father.)

Tusi Faitau:

Kenese 13:1-11

Matua:

Kenese 13:8-9

“Ona fai atu lea o Aperamo ia Lota, Aua lava nei femisa’i i ta’ua, po’o a ta’ua leoleo manu, aua o le uso i ta’ua. E le o i ou luma ea le laueleele uma? Sei e tea ese ma au. Afai e te alu i le itu tauagavale, ona ou alu ai lea i le itu taumatau; a e alu i le itu taumatau, ona ou alu ai lea i le itu tauagavale.”

Vaega:

1. O le tofa faa-tamā lelei e maua ai le nofo fealofani.
2. O le tofa faa-tamā lelei e le manatu faapito mo ia lava.
3. O le tofa faa-tamā lelei e atagia ai le alofa.
4. O le tofa faa-tamā lelei e manuia ai aiga, nuu ma le ekalesia.

ASO SA

15 AOKUSO 2021

MANATU AUTU: FINAU MA LE ATUA I LANA AMIOTONU.
(Reasoning with God in His Righteousness.)

Tusi Faitau: Iopu 13:1-12.

Matua: Iopu 13:3.

“Ae peitai a’u, ou te fia tautala i Lē e ona le malosi uma lava, ou te loto lava ina ia ma filifili ma le Atua.

1. Aua le fiu gofie i luitau o le ola.
2. Saili i le Atua, ae le o manatu o tagata.
3. Finau i le Atua i le tatalo ma faia lana amiotonu.
4. Filifili faatasi ma le Atua.

ASO SA

22 AOKUSO 2021

**MANATU AUTU: O LE A’OA’OINA MAI LE TOILALO O LE
AMATAGA LEA O LE FAAEAINA.**
(Failure is the stepping stone to success.)

Tusi Faitau: Teuteronome 31:1-8

Matua: Teuteronome 31:3

“ O le Alii lou Atua o ia na te sopoia atu i ou luma, a e fai mou; o Iosua, o ia na te sopoia atu i ou luma, e pei ona fetalai mai ai le Alii.”

Vaega:

1. Ia ‘au ma le Atua e faaeaina ai pea.
2. Aua le fiafia i le ola toilalo.
3. A pa’u tu i luga.
4. E le toilalo se tagata ua auauna ia Iesu.

**MANATU AUTU: FAALOGO PE LE FAALOGO MAI,
MOMOLI LE FINAGALO O LE ATUA.**

(Hearing or not hearing, deliver the Will of God)

Tusi Faitau: Esekielu 2:1-10

Matua: Esekielu 2:7

“Ia e fai atu lava a’u upu ia te i latou pe latou te faalogo, pe leai, aua ua fouvale lava i latou.”

Vaega:

1. Faalogo i le fetalai mai o le Atua.
2. Ia lototele e momoli le finagalo o le Atua.
3. Ia mata’u i le Atua, lē na te momoli lona finagalo.
4. Avea i tatou ma avefe’au o le finagalo o le Atua.

ASO SA 05 SETEMA 2021 FAAFOUINA ASO SA TALALELEI

**MANATU AUTU: O LE AMATAGA O LE TALAIGA O LE
TALALELEI.**

(The beginning of the Proclamming of the Gospel)

Tusi Faitau: Mareko 3:9-21

Matua: Mareko 3:13-14

“Ua maliu a’e o ia i le Mauga, ona valaau atu lea o ia i e ua ia finagalo i ai; ona latou omai lea ia te ia. Ona tofia lea e ia le toatinoagafulu ma le toalua, ina ia latou faatasi ma ia, ina ia aauina atu foi i latou e talai le tala lelei.”

Vaega:

1. E tofia lava e le Atua ana ave feau o le tala lelei
2. E tatau ona faamaoni ave feau o le tala lelei.
3. O le tiute o tagata uma le talai o le tala lelei.
4. O Iesu Toetu ma le malo o le Atua le feau o le tala lelei.

ASO SA 12 SETEMA 2021

**MANATU AUTU: FAAFETAI I LE ATUA ONA O E FAATUATUA
IA TE IA.**

(Thanks to God for those who have faith in Him)

Tusi Faitau: Roma 1:1-8

Matua: Roma 1:8

“E muamua ona ou faafetai atu i lo’u Atua ia Iesu Keriso, ona o outou uma, ina ua ta’ua lo outou faatuatua i le lalolagi uma lava.”

Vaega:

1. Ua avea i tatou ma tagata paia, ona o Iesu Keriso.
2. Ua silafia e le Atua le ola faatuatua o ona tagata.
3. O le faatuatua i le Atua e le mā ai e folafola le Atua.
4. O le faatuatua e avea ai pea i tatou ma tagata o le Atua.

ASO SA 19 SETEMA 2021

MANATU AUTU: O LE AMIOTONU A LE ATUA.

(The righteousness of God)

Tusi Faitau: 1 Peteru 4:12-19.

Matua: 1 Peteru 4: 17.

“Aua o ona po nei e amata ai le faamasinoga i le aiga o le Atua; afai foi e muamua ia i tatou, pe se a le gataaga o e faalogogata i le tala lelei a le Atua.”

Vaega:

1. Ua amata i ona po nei le faamasinoga tonu a le Atua
2. Olioli ma fiafia i le fa’aali mai o le mamalu o le Atua.
3. E le lilo se tasi i le Atua ma lana amiotonu.
4. O le amiotonu a le Atua e faia ai lana faamasinoga

ASO SA **26 SETEMA 2021**

MANATU AUTU: **TALITONU I LE ATUA MA IA TINEIA LE FAAMAUALUGA.**

(Trusting God and overcoming Pride.)

Tusi Faitau: 2 Tupu 5:8-14

Matua: 2 Tupu 5:14

“Ona alu ifo ai lea o ia ua fufui faafitu i Ioritana e tusa ma le upu a le tagata o le Atua, ona foi mai ai lea o lona tino tuai, pei o le tino o le tamaitiiti ua mamā foi o ia.”

Vaega:

1. Ia e talia foi le fautua mai, ma le tuualalo o isi ou uso a tagata.
2. O le Atua o ia lava o le faamalolo ma’i.
3. E tatou te maua le Atua ina ua faamaulalo o tatou ola.
4. Avea i tatou ma tagata ua talitonuina le Atua.

ASO SA **03 OKETOPA 2021** **FAAFOUINA.**

MANATU AUTU: **TUMAU I FOLAFOLAGA A LE ATUA.**

(Standing on the promises of God.)

Tusi Faitau: Isaia 41: 8-13

Matua: Isaia 41: 10

“Aua e te fefe, aua ou te ia te oe; aua le fetepatepai, aua o au o lou Atua; ou te faamalosia oe, e moni ou te fesoasoani ia te oe; e moni, ou te taofia oe i lo’u lima taumata e i ai le amiotonu.”

Vaega:

1. Ia tumau ma le loto maulalo i folafolaga a le Atua.
2. Aua le ola masalosalo.
3. A folafola e le Atua manuia mo i tatou, e leai se isi na te taofia.
4. Talitonu i folafolaga a le Atua, e faamāina ai e ita ia te oe.

ASO SA

10 OKETOPA 2021

LOTU TAMAITI

MANATU AUTU: O I TATOOU O FANAU A LE ATUA.
(We are the children of God.)

Tusi Faitau: 1 Ioane 2:12-17.

Matua: 1 Ioane 2:12.

“Le fanau e, ou te tusi atu ia te outou, aua ua faamagaloina a outou agasala ona o lona suafa.”

Vaega:

1. Ua ta’u fanauina i tatou e le Atua ona o Iesu Keriso.
2. O i tatou o fanau ua faaolaina.
3. O fanau a le Atua e tumau ia te i latou Afioga a le Atua.
4. O fanau a le Atua e manumalo i le o lo’o leaga.

ASO SA

17 OKETOPA 2021

MANATU AUTU: E SILASILA LE ATUA I LE LOTO.
(God looks at the heart.)

Tusi Faitau: 1 Samuelu 16:1-13

Matua: 1 Samuelu 16:7

“A ua fetalai mai le Alii ia Samuelu, Aua e te vaai i lona tino, po’o le maualuga o lona tino, aua ua ou tetee atu ia te ia; aua e le vaai le Alii pei o le vaai o tagata, aua e vaai tagata i le tino, ae vaai le Alii i le loto.”

Vaega:

1. E fa’aaogaina e le Atua le faatauvaavaa o le tagata.
2. E manaomia e le Atua le tagata loto maualalo, ae lototele aua lona finagalo.
3. E fia silasila le Atua, poo le a le telē o lou loto e auauna ai mo ia.
4. E le o le malosia, e le o le fitafita, ae o le Agaga o le Atua ia.

ASO SA

24 OKETOPA 2021

MANATU AUTU: SOLOIA I LALO PA O LOO PUNITIA AI LA TATOU VAAI I LE ATUA.

(Breaking the walls that blocked us from God)

Tusi Faitau: Iosua 6:15-21

Matua: Iosua 6:20

“Ua ili pu e faitaulaga, ona alalaga ai lea o le nuu; ua faalogo le nuu i le leo o le pu, ona alalaga lea o le nuu i le leo tele, ona solo ai lea i lalo o le pa, ona o a’e ai lea o le nuu i le aai taitasi i o latou luma, ua latou a’ea foi le aai.”

Vaega:

- 1 O a ni pa o lo’o punitia ai lau vaai i le Atua? e moomia le soloia i lalo.
2. O le faalogo ma usitai, o le isi lea faailoga o le faatuatua.
3. Vaai i le Atua e maua ai le malosi.
4. O le viiga o le Atua, e soloia ai pa o punitia ai la tatou vaai i le Atua.

ASO SA.

31 OKETOPA 2021.

MANATU AUTU: O LE TAGATA AMIOTONU E TUPU OLAOLA.

(The righteous shall flourish.)

Tusi Faitau: Salamo 92:12-15

Matua: Salamo 92:12

“E tupu olaola le tagata amiotonu e pei o le pama; e tupu tele e pei o le arasi i Lapanona.”

Vaega:

1. Ia tupu olaola e pei o le pama ma le arasi i Lapanona.
2. O le Atua e taula i ai lo tatou talitonuga.
3. O Iesu Keriso le papa e faavae ai lo tatou ola.
4. Ia ola i le Amiotonu a le Atua.

ASO SA

07 NOVEMA 2021

FAAFOUINA

MANATU AUTU: **FAAVAE LO TATOU OLA IA KERISO.**
(Build our lives in Christ.)

Tusi Faitau: 1 Korinito 3: 9-15

Matua: 1 Korinito 3: 11

“Aua e le mafaia e se tasi ona tuu se isi faavae i lē ua uma ona tuuina o Iesu Keriso lea”

Vaega:

1. O ai o lo’o faavae ai lou ola?
2. O le alofa o le Atua, ua fai ai i tatou ma ana tufuga potu.
3. E i ai taimi, e tofotofo ina ai e le Atua a tatou galuega e faia.
4. Avea Keriso ma faavae mautu o lo tatou ola.

ASO SA

14 NOVEMA 2021

MANATU AUTU: **TAUSISI I LE OLA TATALO.**
(Persistence in Prayers.)

Tusi Faitau: Luka 22:39-46.

Matua: Luka 22:44.

“Ua puapuaga o ia ua atili ai lana tatalo, o lona afu foi ua pei o alualutoto ua pa’u ifo i le eleele.”

Vaega:

1. Aua nei mu itiiti le lamepa o le soifua tatalo.
2. Momoli i le Atua i le tatalo o tatou mafatiaga.
3. O le tatalo o le aupega a le tagata Kerisiano.
4. Ia avea le tatalo ma mea suamalie i lou soifua.

ASO SA

21 NOVEMA 2021

**MANATU AUTU: UA TAGA MEA UMA MO LE ATUA,
ONA UA TATOOU FAATUATUA IA TE IA.**

(Allow everything for God when we have faith in Him)

Tusi Faitau: Galuega 16:6-15

Matua: Galuega 16:15

“Ua papatisoina o ia, atoa ma lona aiga, ona aioi mai lea o ia, ua faapea mai, ‘Afaia ua outou manatu, o a’u o lē faatuatua i le Alii, o mai ia i lo’u fale, ma nonofo ai.’ Ua pulunaunauina foi i matou e ia.”

Vaega:

1. E afua ona tatala le loto mo ia, ona o le faatuatua.
2. O le faatuatua i le Atua, e afua ai le ola foai.
3. O lou ola ma lou tamaoaiga o a le Atua ia.
4. Faataga mea uma ua ia te oe, e pule ai le Atua.

ASO SA

28 NOVEMA 2021

**MANATU AUTU: FAI TAULAGA MA FAALAGOLAGO I
LE ALII.**

(Offer sacrifice and rely unto the Lord.)

Tusi Faitau: Salamo 4:1-8.

Matua: Salamo 4:5.

“Ina fai taulaga ia i taulaga tatau ma ia outou faalagolago i le Alii.”

Vaega:

1. Faalagolago i le Atua ma ofo atu taulaga mo ia.
2. Fai taulaga i le Atua ma le loto atoa.
3. Fai taulaga i le Atua i le mea pito sili ona lelei.
4. Na fai taulaga mai le Atua ia te i tatou e ala i lona Atalii pele.

MANATU AUTU: ONOSAI I MEA TIGA.*(Perseverance hardship.)***Tusi Faitau:** 2 Timoteo 4:1-8.**Matua:** 2 Timoteo 4:5.

“A o oe, ia e faautauta i mea uma lava, ia e onosai i mea e tiga ai, ia e fai le galuega a lē folafola le tala lelei, ia e matuā faaiuina lau faiva.”

Vaega:

1. Aua le faavaivai i le tala lelei a Keriso.
2. Ia fai ma tagata tau a Keriso.
3. O i tatou o Kerisiano manumalo.
4. Onosai ma faautauta e folafola le tala lelei.

MANATU AUTU: TEUTEU LE ALA O LE ALII.*(Prepare the Way of the Lord.)***Tusi Faitau:** Isaia 40: 1-9**Matua:** Isaia 40:3

“O le leo o le ua alaga i le vao, Ina teuteu ia outou le ala o le Alii; ia outou faalauleleia le ala tele i le vao lafulafua mo lo tatou Atua.”

Vaega:

1. Ia fefaamafanafanaa’i i le savaliga i luga o le ala.
2. Ia faamaulaloina mea maupuepue o i o tatou loto.
3. Saunia i tatou mo le pupula o le Alii i luga o le ala.
4. Avea i tatou ma teuteu ala mo le Alii.

ASO SA

19 TESEMA 2021

MANATU AUTU: UA IA TE I TATOU LE ATUA.

(God is with us.)

Tusi Faitau: Mataio 1: 17-25

Matua: Mataio 1: 23

“Faauta, e to le taupou, ma fanau mai le tama tane, latou te faaigoa foi ia te o Emanuelu, o lona uiga pe a faamatalaina, ua ia te i tatou le Atua.”

Vaega:

1. Ua valoia le fanau mai o le Mesia.
2. Ua liu tino tagata le Atua e ala ia Iesu Keriso.
3. Tetee atu i le leaga, ae filifili le lelei.
4. Tapena o tatou loto e fanau ai le tama o Emanuelu.

ASO SA

26 TESEMA 2021

MANATU AUTU: O MEA MATAGOFIE E MANATUA PEA

(Beautiful and memorable things.)

Tusi Faitau: Mataio 26:6-16

Matua: Mataio 26:13

“E moni, ou te fai atu ia te outou, o nuu uma i le lalolagi e talaiina atu i ai leni tala lelei, e ta’ua ai le mea ua faia e leni fafine, e faamanatu ai ia te ia.”

Vaega”

1. Aua le faalavelaveina mea matagofie ua faia e isi mo le Atua.
2. Galue mo Iesu manū o maua lou avanoa.
3. E le lilo i le Atua lou soifua galue i leni tausaga.
4. Ia fa’aaauu pea ona faia mea matagofie, e auauna ai mo le Atua.